

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKI NAČELNIK



Broj: 02-647/23  
Vareš, 24.04. 2023. godine

Općina Vareš, na osnovu Odluke o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš broj: 01-68/14 od 27.02. 2014. godine o b j a v l j u j e

## JAVNI POZIV za odabir korisnika sredstava budžeta Općine Vareš za 2023. godinu iz Transfera za neprofitne organizacije u ukupnom iznosu od 35.000,00 KM

### I (Pravo učesća imaju)

Pravo učesća po ovom Javnom pozivu imaju:

- nevladine organizacije,
- udruženja građana,
- sportska društva i klubovi
- fondacije

### II (Uslovi za korištenje budžetskih sredstava)

Sredstva iz ove Odluke dodjeljuju se udruženjima građana, fondacijama, sportskim društvima, klubovima i drugim subjektima koji su registrovani u Bosni i Hercegovini, imaju sjedište na području općine Vareš, a čiji projekti su kandidovani za finansiranje iz budžeta općine Vareš i realizuju se u interesu i na području općine Vareš. Sredstva se mogu dodijeliti i udruženjima čije je sjedište na teritoriji druge općine, pod uslovom da se projekat koji se aplicira realizuje u interesu općine i u potpunosti na području općine Vareš.

**Maksimalni iznos koji može biti odobren po projektu je 3.000,00 KM.**

### III (Vrste projekata koji će se finansirati)

Sredstva iz člana 1. Odluke raspoređuju se udruženjima građana, udruženjima proisteklim iz OOR 1992 – 1995. godine i sportskim udruženjima i organizacijama čiji projekti se odnose na:

- projekte koji doprinose unapređenju socijalne inkluzije najranjivijih socijalnih kategorija
- projekti resocijalizacije i integracije boračke populacije, projekti očuvanja i njegovanja tradicije OOR-a, projekti humanitarnog, sportsko rekreacionog i rehabilitacijskog karaktera
- projekte koje razvijaju i jačaju ulogu žena u lokalnoj zajednici
- projekti koji doprinose afirmaciji i očuvanju kulturno – historijskog naslijeđa
- projekti koji afirmiraju turističke potencijale, doprinose razvoju turističke ponude i zaštiti okoliša
- projekti koji doprinose jačanju i razvoju sporta i fizičke kulture i organizovanju sportskih takmičenja

**IV**  
**(Potrebna dokumentacija)**

Aplikacije za ovaj poziv popunjavaju se isključivo na obrascima koji se mogu preuzeti na **Info pultu** Općine Vareš, ul. Zvijezda br. 34, ili na oficijelnoj web stranici Općine [www.vares.info](http://www.vares.info).

Svi podnosioci prijave za dodjelu sredstava, obavezni su dostaviti sljedeću dokumentaciju:

- Ispravno popunjen prijavni obrazac
- Rješenje o registraciji udruženja/fondacije (posljednja izmjena);
- Uvjerenje o poreznoj registraciji (ID broj);
- Potvrda poslovne banke o vlasništvu i broju transakcijskog računa i da isti nije blokiran (ne starije od tri mjeseca);
- Izvod/Izvadak iz Registra udruženja koji nije stariji od tri mjeseca (dokument izdaje nadležno ministarstvo);
- Detaljan opis projekta po fazama, sa jasnom definicijom ciljne grupe, očekivanim rezultatima, te specifikacijom troškova za realizaciju;
- Izvještaj o održanoj skupštini udruženja;
- Izjava o izmirenim obavezama za organizacije ili udruženja koja imaju profesionalno zaposlena lica;
- Službeni/zvanični bilans stanja i bilans uspjeha za 2022. godinu ovjerenu od ovlaštene agencije.

Svi dokumenti koji se predaju moraju biti originali ili ovjerene fotokopije ne starije od tri mjeseca.

**V**  
**(Dostavljanje dokumentacije)**

Prijedlozi projekata na popunjenim obrascima dostavljaju se Službi za opću upravu, društvene djelatnosti i boračko-invalidsku zaštitu putem Protokola Općine Vareš sa naznakom: „Prijava na javni poziv Transfer za neprofitne organizacije“.

**Javni poziv biće otvoren 15 dana od dana objavljivanja na oglasnoj tabli Općine Vareš. Krajnji rok za dostavljanje prijave je 09.05.2023. godine.**

Aplikantima kojima su u prošloj godini odobrena sredstva iz budžeta Općine Vareš, a nisu dostavili izvještaj o utrošku, neće biti odobrena sredstva za projekte u 2023. godini.

**VI**  
**(Završne odredbe)**

Nepotpune i neblagovremene prijave neće se uzeti u razmatranje.

O izvršenom izboru projekata po osnovu ovog poziva, Služba će pojedinačno obavijestiti predlagače projekata.



**OPĆINSKI NAČELNIK**  
*Zdravko Marošević*  
**Zdravko Marošević**